

皇宋通鑑長編紀事本末

皇宋通鑑長編紀事本末卷第一百二十五

徽宗皇帝

明堂

崇寧四年八月丁亥庫部員外郎姚舜仁言伏聞神宗皇帝嘗詔侍臣欲考古三雍之制開明堂辟雍以發政施仁其初志蓋將以追配黃帝三代之治元祐紛攘之後紀綱法度靡復存者陛下天縱之聖獨見于昭曠之先而執政大臣相與發明神考之遺訓肇建外學規制辟雍而弦誦之音遍於天下茲盛德之舉也又曰今陛下恢復先烈蒐請上儀體虞庠之制立近郊之學即丁未之方辟雍之故與夫區區之漢唐增煥祈年之館大營避暑之宮萬萬相逮

矣臣伏願陛下上規黃帝三代之遺制下采戴禮經傳羣
儒之碩論即國之東兩已之地正明堂之大禮草元祐權
宜之設定崇寧不刊之規具大駕之南簿備五路之禮容
俾大旗物野布于國門鼓吹徐引于馳道萬國諸侯咸覲
于縛禮四方賓客咸覲於盛儀則烈祖在天罔不來格上
帝時歆罔不顧諟陛下雖未及登封泰華之巔禪地汾陰
之北而橫經四學闢禮三雍臨辟水以擊羣英之綱御明
堂而受四海之贊頌不盛哉又曰臣謹考古禮繪成圖式
以獻其制中爲一堂上設重屋太室居中四阿重屋四門
四堂各爲一室其八室以通八方以擬八卦外闢四門以
示明四目達四聰之義四面各爲五門以應五行皆法禮

記明堂位之文堂脩十四步其廣十四步二分步之一應
周官世室之制其崇九尺以應周官一筵之數門堂取則
於正堂三之二其修九步三分步之一其廣十一步三分
步之二其門堂各爲一室取則于門堂三之一其修三步
十分步之一其廣三步六十八步之五十三室居中其脩
四步其廣四步三分步之二四阿重屋各爲一室其修三
步其廣三步二分步之一每室爲四戶以法四時四旁爲
八窓以象八節皆法三代之制總而計之凡九室以象九
州三十六戶以法三十六旬七十二牖以應七十二氣九
階以則天之道九上圓下方以體天地之形四隅無壁以
法星道之四達戶設而不閉以示不藏室覆以茅青其質

也東序西序合二百一十有六乾之策也驗之于古則有稽參之于禮則不悖奢不至靡儉不至陋號為崇寧明堂定制之圖爰漢歷唐茲禮殆廢舉而行之意在今日千載一時超絕運古臣愚妄議典禮死有餘地 戊子詔曰朕若稽先王饗帝之義嚴父之禮布政之居夏有世室商有重屋周有明堂對越在天以孝以享朕承祖宗積累之緒永惟先帝盛德休烈懼無以稱而宗祀之報尚有闕焉中夜以興怵惕靡究比詔有司審加論定具圖來上于禮有稽追三代之墜典黜諸儒之異說作而成之庶幾乎在朕將扶禮祇載昭事上帝佑我烈考黜時五福用敷錫嘏無民其姚舜仁所泰明堂圖可依所定營建

蔡條云先是崇寧四年七月二十七日宰相蔡京等進呈庫部員外郎姚舜仁請即園內已之地建明堂繪圖以獻上曰先帝常欲爲之有圖見在禁中照考究未甚詳京曰明堂之制見於禮記周官之書皆三代之制參錯不同學者惑之舜仁留心二十餘年始知周官考工記所載三代之制爲文各互相脩改得其法今有二圖其齋宮悉南向一隨四時方所向上曰可隨四時方所向仍令將作監李誠同舜仁上殿八月十六李誠姚舜仁進明堂圖上謂誠等曰聖人郊祀后稷以配天配以祖宗祀文王于明堂配以考兩者當並行明堂之禮廢已久漢唐卑陋不足法宜盡用三代之制必取巨材務

要堅完以爲萬世之法遂詔依舜仁等所奏明堂圖議
唯不得科率勞民仍令學士院降此詔云

十月己巳詔明堂功力浩大煩覓立期限營建俟過來年
向成妨礙外取旨興功仍令胡師文梁子美各于本部出
材木處據合用造成熟材般輦上京其見役工可權罷
胡師文淮南發運梁子美河北都運實錄但云詔脩建
明堂俟過來歲興役不顯因由今用詔旨刪修八月二
十四日初下詔修建

五年正月丙午詔近以肇建明堂下諸路和買材植物料
已買到者速償其價漸次附納送京師未買者並罷其拋
造工作如已造或輒輸官者依舊直給價未造者罷之官

司如敢督索並科違制之罪 政和五年七月丁丑手詔
孝莫大于嚴父嚴父莫大于配天遠而尊故配祖于郊近
而親故曰嚴父于明堂今三歲一郊侑我烈祖而宗祀明
堂以配上帝寓于殿寢禮蓋云闕朕嗣承先烈君極萬邦
罔極之懷欲報無所夙興夜寐靡遑寧處宗寧之初嘗詔
建立去古既遠歷代之規模無足循襲朕萬機餘閑默諸
儒臆說判經稽古度以九筵分其五室通以八風上圓下
方參合先王之制必無幾馬相方視址于寢之南傷工鳩
材自我作古以稱朕昭事上帝率見昭考之心御筆修製
明堂國之大政即與前後營造事體不同應有司官屬自
當竭力奉上以成大功如是脩製所抽人匠取索材料材

植如敢占多隱諱不即發遣應劭者監官不以官高低並
行除名勒停送廣南遠惡州軍編管 八月癸卯詔脩建
明堂布告大廷依大禮例奏告天地宗廟社稷宮觀諸陵
及五岳四瀆等 己酉詔祕書省移于他所以其地為明
堂杭州觀察使陳彥言明堂基宜正臨兩方稍東方以據
福德之地故有是詔 壬子年詔曰明堂之制自三代以
還有為之君雖欲稽法先王終不能如古蓋遠經徇俗惑
于衆說失其旨意朕承惟嚴父饗帝之禮尚闕未脩取考
工記所載考其互見之文得其制作之本命工倅圖無一
不合 又曰朕萬機之暇取夏后氏益土室之度兼商人
四阿重屋之制從周人度以九尺之道上圖象天下方象

地四戶以合四序八憲以應八節五室以聚五行十二堂以聽十二朝九階四阿每室四戶夾以八憲兼三代之遺制然諸儒之臆說饗帝嚴父聽朔布政于一堂之上于古皆合其制大脩宜令明堂使司遵圉建立以稱朕意布告中外或使聞知于是內出明堂小樣于崇政殿集百官宣示命太師魯國公蔡京為明堂使宣和殿學士蔡攸討論指畫制度顯謨閣待制蔡絛蔡絛殿中監宋昇參詳興德軍留後梁師成為都監保康軍留後童師敏為承受以開封尹盛章彈壓兵匠章罷以王革代之復以章為參詳明堂使蔡京言夏后氏世室堂脩十四步方六尺為步廣明七步半土室方四步廣益四尺木火金水四室各方三步

廣益三尺商人重屋堂脩七尋八尺爲尋崇三尺四阿重
屋周人明堂度九尺之筵東西九筵南北七筵堂崇一筵
五室凡室二筵則五室各自方一丈八尺三代之制脩廣
不相襲夏度以六尺之步商度以八尺之尋而周以九尺
之筵世每近制每廣今若以二筵爲太室方一丈八尺則
室之中設版位禮器已不可容理當增廣今從周之制以
九尺之筵爲度太室脩四筵三丈六尺廣五筵四丈五尺
共爲九筵木火金水四室各脩三筵益四尺三丈一尺廣
四筵三丈六尺共七筵益四尺五寸十二堂古無脩廣之
數今亦度以九尺之筵明堂元堂各脩四筵三丈六尺廣
五筵四丈五尺左右个各脩廣四筵三丈六尺青陽總章

各脩廣四筵 三丈六尺 左右各脩四筵 三丈六尺 廣三
筵 益四尺 三丈一尺 四阿各四筵 三丈六尺 堂柱外基各
一筵 九尺 堂總脩一十九筵 一十七丈一尺 廣二十一筵
一十八丈九尺 詔悉從之 七年三月 壬子 御製明堂上
梁文 四月丙子 詔親祠明堂 六月戊午 太師魯國公
蔡京進封陳魯國公 己未 童貫加檢校少傅 威武軍節
度使 梁師成爲檢校少保 興德軍節度使 宣和殿學士
蔡攸爲宣和殿大學士 大中大夫 開封尹 王革遷三官口
和殿學士 大中大夫 武彥達兩官 顯謨閣侍制 蔡條 蔡脩
並爲龍圖閣直學士 皆以明堂成推賞也

明堂推賞童貫及梁師成降制蔡攸以下別降御筆賞

錄不書甫及師戎蓋疎略也今增入之自餘轉正任橫行者尚多姑從實錄更不一一書之

乙亥太師魯國公蔡京等上表請御明堂聽朝頒常視朝詔答不允表三上乃從之九月辛卯祀上帝于明堂以神宗皇帝配饗十月乙卯御明堂平朔左个以是月天運政治布告于天下又頒來歲歲運歷數癸未蔡京等三上表恭請皇帝御明堂負衆朝百辟南面以聽天下從之重和元年十二月壬寅御製明堂頌

官制

政和二年九月癸未詔曰朕所與共天下之政者惟二三執政之臣而官稱之名位序之實未足以垂萬世我神考

訓迪厥官有司不能奉承仰惟前代而以僕臣之職充宰相之任六卿之職爲三公之官有志改爲或未遑暇朕適進來孝若昔大猷稽三代公孤之名考左輔右弼之號是正名實惟古之師分職率屬期予以治官不必脩而惟其人祇于新書克謹厥服同底於道以戒烈考之志豈不建與 公少若除三公即爲宰相今不帶太宰少宰左輔右弼之任三少特進以下即帶太宰等官稱治省事三公新官太師舊官太師太傅舊官太傅太保舊官太保此古三公之官爲宰相之任今爲三師古無三師之稱今依三代爲三公瑜道經邦變理陰陽官不必備惟其人爲真相之任三少新官少師舊官太尉少傅舊官司徒少保舊官司

空太尉以下舊為三公緣司徒司空周六卿之官非三公之任乃今之六曹尚書是也太尉秦官居主兵之任亦非三公太尉司徒司空合罷並依周制立三孤之官乃次輔之位三孤貳公洪化寅亮天地或稱為三少為次相之任尚書省令太宗皇帝曾任今宰相之官已多不煩置新官太宰舊官左僕射新官少宰舊官右僕射門下省新官左輔舊官侍中中書省新官右弼舊官中書令

竇隸有此但更加刪潤今以詔旨別修為尚書令者唐太宗也當時有失稽考今但存本文蔡條亦同此誤蔡條國史後補官制國朝沿革故事太師太傅太保為三師太尉司徒司空為三公尚書令侍中中書令為三省

大官同中書門下平章事為宰相元豐中官制行皆如
故獨改平章事為尚書左右僕射至政和初倣周官之
制遂以太師太傅太保為三公易少師少傅少保為三
少蓋古謂之三孤孤之為名不雅因以為三少焉尚書
令開國初太宗皇帝嘗為之後不敢拜以為故事則如
故若侍中中書令因易為左輔右弼雖易名焉亦未始
有除授者至左古僕射則改為太宰少宰又復存太尉
乃倣秦漢以為掌兵官其恩禮儀物咸視執政蓋特命
武臣焉而三公者當時為官不必備惟其人非前日之
制特為官稱而已乃職任焉故以三公兼領三省事三
省事宰相未嘗不兼領但不若今制以三公別總三省

事為官長矣時魯公既為太師乃號公相蓋以三公而
下兼相任者然魯公懼權重固辭此任乃免書門下省
者以樞密院事皆過門下省不欵任兵柄故也上始不
聽魯公曰今獨臣免書而已其制固存乃從之行之久
矣宣和七年李邦彥執政魯公既罷而致仕乃改太師
直以尚書令代為三公蓋塞復相之路而使不敢拜焉
詔曰在昔神考董正治官肇建文階以祿多士職聯合治
各有等差名實既實以亮用久而武選官稱循沿末世有
志未就以迄于今述而後明靡敢怠廢朕夙夜惟念易而
新之訓迪厥官自我作古夫名不正則言不順言不順則
事不成凡爾有官尚謹乃止欵我成憲其爾之休所有武

階磨勘選改請給奏蔭等凡厥恩數悉如舊章咨爾有衆
其祇新書無忽正任 節度觀察留後觀察使防禦使團
練使刺史 古六階仍舊不帶持節等橫行新官 通侍
大夫舊官內客省使 正侍大夫舊官延福宮使 中侍
大夫舊官景福殿使 中亮大夫舊官客省使 中衛大
夫舊官引進使 拱衛大夫舊官四方館使 左武大夫
舊官東上閤門使 右武大夫舊官西上閤門使 中亮
郎舊官引進副使 中衛郎舊官引進副使 左武郎舊
官東上閤門副使 右武郎舊官西上閤門副使 右一
十二階大夫又帶選郎仍舊內通事舍人閤門祗候看班
祗候仍舊 皇城使以下新官 武功大夫舊官皇城使

武德大夫舊官宮苑使左右驍驍使內藏庫使 武顯
大夫舊官左藏庫使東作坊使西作坊使 武節大夫舊
官莊宅使六宅使文思使 武畧大夫舊官內園使洛苑
使如京使崇儀使 武經大夫舊官西京左藏庫使 武
義大夫舊官西京作坊使東西染院使禮賓使 武翼大
夫舊官供備庫使 右八階帶遙郡仍舊 皇城副使以
下新官 武功郎舊官皇城副使 武德郎舊官宮苑副
使左右驍驍副使內藏庫副使 武顯郎舊官左藏庫副
使東作坊副使西作坊副使 武節郎舊官莊宅副使六
宅副使文思副使 武畧郎舊官內園副使洛苑副使如
京副使崇義副使 武經郎舊官西京左藏庫副使 武

義郎舊官西京作坊副使東西梁院副使禮賓副使武
翼郎舊官供備庫副使右八階內殿承制以下小使
臣新官義武郎舊官內殿承制修武郎舊官內殿宗
班從義郎舊官東頭供奉官從義郎舊官西頭供奉
官忠訓郎舊官左侍禁忠訓郎舊官右侍禁成忠
郎舊官左班殿直保義郎舊官右班殿直承節郎舊
官三班奉職承信郎舊官三班借職進武校尉舊官
三班差使進義校尉舊官三班借差右十二階入
內內侍省兩省新官供奉官舊官東頭供奉官左侍
禁舊官西頭供奉官右侍禁舊官殿頭左班殿直舊
官高品右班殿直舊官高班黃門仍舊祇候侍禁

舊官祇候殿頭 祇候殿直舊官祇候高班 祇候黃門
內品舊官祇候內品 祇候內品仍舊祇候內品 貼祇
候內品仍舊貼祇候內品 右一十一階八階改三階仍
舊 大將等新官 進武副尉舊官大將 進義副尉舊
官正名軍將 守閤進義副尉舊官守閤軍將 右三階
殿侍新官 下班祇應差在京宋室及外州軍祇應稱
殿侍非是除東西班應奉人依舊外餘改作下班祇應
南班環衛官諸衛大將軍諸衛將軍率府率府副率別
無職領不礙官制今仍舊 衛官各有三等 上將軍
大將軍 將軍 共四十八階 左右金吾衛 左右驍
衛 左右武衛 左右屯衛 左右領軍衛 左右監門

左右千牛衛 左右衛 今依舊率府率府副率五
等十階左右衛司禦率府率左右衛清道監門內率府率
左右衛司禦清道率府副率左右監門率府副率左右內
率府副率合仍舊 醫職新官和安大夫成和大夫成安
大夫成全大夫舊官軍器庫使 保和大夫舊官西綾錦
使 保安大夫舊官權易使翰林良醫舊官翰林醫官使
和安郎成和郎成安郎成全郎舊官軍器副使 保和
郎舊官西綾錦副使 保安郎舊官權易副使 翰林醫
正舊官翰林醫官副使 今吏部依此頒行

朱勝非云元豐議官制殿帥張誠一有春數言事內出
誠一劄目送局請改內侍官名局官蘇頌蔡京王震陳

填同奏事進呈神宗顧視左右曰此無內臣祖宗為此
名蓋有深意豈可輕議取劉子入御袖至崇寧初蔡京
相徽宗置殿中監近侍遂有分職鄭居中執政議武選
其後命下文武俱稱郎大夫內侍預焉自是押班都知
殿頭內養等各一切革去蓋京與居中皆結閣寺以進
故與之爲地如此

詔節度使以下更不帶持節等只稱某軍節度使之類其
通侍正侍中侍大夫三階內外通轉所理磨勘並依橫行
舊例 又詔通侍正侍中侍大夫請受並依元舊官則例
支破 詔新定三公輔弼并武選等官名自來年正月一
日奉行 尚書省言檢會政和三年六月八日朝旨吏部

與重修敕令所同共講究到分曹建掾指揮令尚書省別
行措置云云今契勘昨吏部與勅令所講定到諸州六曹
參軍置員多寡不稱立定左右治獄參軍名稱非古又六
曹參軍外吏依開封置散參軍員額混淆無別按古有六
曹掾名可依舊復置庶官稱不雜分職聯治各有分守今
擬州府分曹建掾格目如後 三京河南府舊一十一員
大名府舊九員應天府舊十員今置一十五員司隸參軍
一員差承務郎以上通判次簽判曹官掾官士曹參軍一
員士曹掾一員戶曹參軍一員戶曹掾一員儀曹參軍一
員儀曹掾一員兵曹參軍一員兵曹掾一員刑曹參軍一
員刑曹掾一員工曹參軍二員分左右管推勘公事工曹

據一員並差承務郎以上縣判次知縣一員兼管檢法議
刑並差職官次令錄次判司 大藩五十二處並繁雜舊
九員共四處今置一十三員司錄參軍一員差承務郎以
上縣判次知縣曹官士曹參軍一員戶曹參軍一員儀曹
參軍一員兵曹參軍一員刑曹參軍一員工曹參軍一員
並差承務郎以上縣判次知縣次監當如使閏限滿過一
月無人就即差職官掾官士曹掾一員兼儀曹戶曹掾一
員兵曹掾一員兼工曹刑曹掾三員分左右管推公事一
員兼管檢法議刑差判司舊七員八員共四十六處今置
十員司錄參軍一員差承務郎以上縣判次知縣曹官士
曹參一員士曹掾一員兼戶曹管主推勘公事戶曹參軍

一員戶曹掾一員儀曹參軍一員儀曹掾一員兼兵曹管
右推勘公事兵曹參軍一員刑曹參軍一員刑曹掾一員
兼工曹兼管檢法議刑並差承務郎以上各判次知縣次
監當如使闕限滿過一月無人就即差職官除州二百六
十處舊七員八員事繁共一十三處今置一十員司錄參
軍一員差承務郎以上各判次知縣口口口次經任監當
曹官士曹參軍一員士曹掾一員兼戶曹參軍一員管左
推勘公事儀曹參軍一員儀曹掾一員兼兵曹兵曹參軍
一員管右推勘公事刑曹參軍一員刑曹掾一員兼工曹
工曹參軍一員管檢法議刑並差職官次錄參次判司七
員事簡六員事繁共四十處今置九員司錄參軍一員差

承務郎以上簽判次知縣次經任監當人曹官掾官士曹
參軍一員士曹掾一員兼戶儀曹戶曹參軍一員管左推
勘公事儀曹參軍一員兵曹掾一員兼刑曹兵曹參軍一
員管右推勘公事刑曹參軍一員並差判司兼檢法議刑
工曹參軍一員並差職官次令錄次判司舊六員事簡共
四十處今置七員司錄參軍一員並差承務郎以上簽判次
知縣次經任監當人曹官掾曹士曹參軍一員戶曹參軍
一員儀曹參軍一員兼管左推勘公事兵曹參軍一員刑
曹參軍一員兼管檢法議刑工曹參軍一員兼管右推勘
公事並差職官次令錄次判司舊五員事簡共五十二處
今置六員司錄參軍一員並差承務郎以上簽判次知縣次

經任監當曹官採訪官士曹參軍一員兼管左推勘公事戶
曹參軍一員儀曹參軍一員刑曹參軍一員兼管檢法議
刑工曹參軍一員兼管右推勘公事並差職官次令錄次
判司舊四員事簡共四十九處今置五員司錄參軍一員
差承務郎以上縣判次知縣次經任監當曹官士曹參軍
一員兼儀曹管左推勘公事戶曹參軍一員兵曹參軍一
員兼工曹管右推勘公事刑曹參軍一員兼管檢法議刑
並差職官次令錄次判司舊二員一員事簡共十四處
今置三員司錄參軍不置曹官士曹參軍一員兼儀曹兼
推勘公事戶曹參軍一員兼兵曹刑曹參軍一員兼工曹
兼管檢法議刑差判司詔旨又奏契勘左右選員多闕

少學校教養以成其材既命以官無闕除授天下事務比
祖宗時過多而分職置官尚仍祖宗之舊諸州官少之治
事之人吏部員冗無試用之地蓋失措置久矣今除已添
差縣丞等外以吏部人數凡四萬三千有奇而吏部闕額
一萬四千有奇是三人待闕端開六年然後得祿士大夫
不至蕪謹亦良以此今因參定州縣曹掾量增員數五百
餘處雖未足以稱事建官亦以助吏員云云詔依新定官
名自來年正月一日奉行詔旨

蔡條云政和間魯公又建白天下分曹建掾其實患員
多闕少且立規模之美而已其後議者皆不以爲然復
罷矣初尚書省措置內六項云一兼事務近有司將

諸司管勾官於不許差出官內兼充顯有相妨及其除
舊來兼管及合委官事務諸路州軍不一謂如軍貨庫
諸司管勾官架閣庫理只憑由磨勘司糧料院倉庫給
納監庫務之類今來並合依舊兼領如所兼事務與今
定官屬各行那移自今所屬于合差出官內差或不合
差出官于法合差者相度事繁簡別無妨礙即差委施
行一今來所置官屬並先以見任人陞等填闕候通理
滿替日依新法施行端如大藩書官合差承務郎以上
人若本等人不足且推合見任職官充又如餘州書官
合差職官人若不足即以見任判司權充之類除以見
任官差填外不足即依新定格目差除一今來合置司

錄參軍其本州見任有簽判及錄參並類承務郎以上
者欲將簽判改充內曹官合差選人處即權令見今錄
參充近上曹官候通理滿替替罷即以新法差注施行
如願罷者聽內無簽判處其見任錄參係承務郎以上
者即就改充一司錄參軍糾舉諸案給進在六曹官之
上其不置司錄處即合通判糾舉一應已分定六曹去
處如行移關牒申奏文字之類並只以本曹兼書官及
知通繫御內事有干別曹者即同御繫書謂如工曹文
字內有干刑曹者即兩曹通書行遣之類一應今來分
曹據條件與大觀三年四月以前已降指揮合通行者
並兼行內有相妨者從今來指揮其上件月日已後指

揮更不能行

皇宋通鑑長編紀事本末卷第一百二十五

皇宋通鑑長編紀事本末卷第一百二十六

徽宗皇帝

八行取士

大觀元年三月甲辰詔以八行取士善父母為孝善兄弟為悌善內親為睦善外親為姻信于朋友為任仁于州里為恤知君臣之義為忠達義利之分為和孝悌忠和為上睦姻為中任恤為下曾有詔曰學以善風俗明人倫而人材所自出也今有教養之法而未有善俗明倫之制殆未足以兼善天下孔子曰其為人孝悌而好犯上者鮮矣不好犯上而好作亂者未之有也蓋設學校置師儒所以教孝悌孝悌興則人倫明人倫明則風俗厚風俗厚則人

材或刑罰措朕考成周之隆賈與萬民以六德六行否則
威之以不孝不悌之刑凡已立法保任孝悌睦姻任恤忠
和之士去古綿邈士非里選習尚科舉不孝不悌有時而
容故任官臨政超利犯義詆訕貪污無不爲者此官非其
人士不素養故也近因除暇稽周官之書制爲法度頒之
學校明倫善俗庶幾于古 一諸士有善父母爲孝善兄
弟爲悌善內親爲睦善外親爲姻信於朋友爲任仁于州
里爲恤知君臣之義爲忠達義利之分爲和 一諸士有
孝悌睦姻任恤忠行八行見于事狀著于鄉里者耆隣保
伍以行胥中縣縣令佐審察延入縣學考驗不虛保明申
州如令 一諸士八行孝悌忠和爲上睦姻爲中任恤爲

下士有全備八行保明如今不以時隨奏貢入太學免試
為太學上舍司成以下引問考驗較定不誣中尚書省取
旨釋褐命官優加推用 一諸士有全備上四行或不全
一行而兼中等二行為州學上舍上等之選不全上二行
而兼中等一行或不全上三行而兼中二行者為上舍中
等之選不全上三行而兼中等一行或兼下一行者為上
舍下等之選全有中二行或中等一行而兼下一行者為
內舍之選除為外舍之選 一諸士以八行中三舍之選
皆上舍貢入外舍在州學半年不犯第三等罰升為內舍
仍准上舍法 一諸士以八行中上舍選而被貢入太學
皆上等在學半年不犯第三等罰司成已下考職行實聞

奏依太學貢士釋褐法取旨推恩中等依太學上等法侍
殿試推恩下等依太學中等法 一諸士以八行中選在
州縣若太學皆免試補為諸生之首選充職事及諸齋長
諭 一諸生以八行考士為上舍上等其家依官戶法中
下等免戶下支移折變借倩月丁內舍免支移月丁 一
諸謀反謀叛謀大逆同子孫及大不恭詆訕宗廟指斥乘輿
為不忠之刑惡逆誣罵告言祖父母父母別籍異財供養
有闕居喪作樂自娶釋服匿哀為不孝之刑不恭其兄不
友其弟姊妹叔嫂相犯罪杖為不悌之刑殺人略人放火
強姦盜若竊盜杖及不道為不和之刑謀殺及鬻賣總麻
以上親毆大功尊長小功尊屬若內亂為不睦之刑誣罵

告言外祖父母與外姻有服親同母異父親若妻之尊屬
相犯至徒違律為婚傳妻娶妻若無罪出妻為不姙之刑
毆受業師犯同學友至徒應相隱而輒告言為不任之刑
詐欺取財罪杖告囑者隣保伍有所規求避免或告事不
干已為不恤之刑 一諸犯八刑縣令佐州知通以其事
自書于籍報學應有入學校稽檢會施行 一諸士有犯
不忠不孝不悌不和終身不齒不得入學不睦十年不姻
八年不仕五年不恤三年能改過自新不犯罪而有二行
之賢者隣保伍申縣縣令佐審聽入學在學一年又不犯
第三等罰聽齒于諸生之列 六月庚午御筆令諸州學
以御製八行八刑刻石從江東轉運副使家彬奏請也

八月庚午資政殿學士中太一宮使兼侍讀鄭居中乞以
所賜御書八行八刑模刻于石立之學宮從之 十二月
壬午御筆八行八刑之士所在皆得以名聞不限在學不
在學令學制局申明行下從提舉福建路學士陳汝錫奏
請 四年正月庚子朔中丞吳執中言竊聞邇來諸路以
八行貢者如親病割股或對佛燃頂或刺臂出血寫青詞
以禱或不如輩常誦佛書以此謂之孝或常救其兄之溺
或與其弟同居十餘年以此謂之悌其女適人貧不能自
給取而養之於家為善內親又以墻窮竄取而教之為善
外親此則人之常情仍以一事分為睦姻二行言一過歎
歲率豪民以粥食飢者而謂之恤夫粥食飢者乃豪民自

為之而已獨謂之恤可乎又有嘗收養一遺棄小兒者嘗
救一跛者之溺以為恤如此之類不可遽數伏願下之太
學俾長貳博士考以道義列白是非澄去冒濫勿使妄進
申飭天下郡縣長吏及學事司審察考驗要皆得行實有
其人則必公舉無其人勿以妄苟務在奉承詔旨不失法
意而已從之 政和元年十一月乙酉京畿提舉學事林
震乞自今應以八行延入縣學者並依州學外舍生例給
食從之 三年閏四月甲寅詔八行許添差諸州教授從
奏張即王愈奏議也 七月己亥新提舉永興軍路學事
范綱言陛下製為八行法行之累年士以行實聞于朝廷
載在仕版已足以勸矣尚取行實之尤異者旌其門閭使

鄉里至愚者皆知遷善遠罪從之 三年九月癸酉詔八
行人多占學額日久致妨士人入學可依條限貢發施行
六年十二月甲戌臣僚上言欲乞今後八行預貢之人
必與諸州貢士混試太學上舍俟其中選然後隨所中等
第與之升舍應所推恩如上舍法不中選者還之本貢手
詔依所奏 重和元年八月丁巳御筆諸州添差八行教
授自今許添大藩不預執事

州縣學武學附

崇寧元年八月甲戌右僕射蔡京謂以學校為今日先務
乞天下並置學養士如允所請乞先次施行一乞罷開封
府解額除量留五十人充開封府上着人取應外餘並改

充天下貢士之數所有諸州軍額各取三分之一添充貢士額一乞天下並置學素士郡小或歲人少則令三二州學官聚學于一州一乞置州學並差教授二員一乞增置田業養士應本路常平戶絕土田物業契勘合用數撥充如不足以諸色係省官田宅物業補足一乞以三舍考選法通行天下聽每三年貢入太學上舍試中中等補充下等試三等若試中上等補充太學上舍試中中等補充下等試中下等者補充內舍餘為外舍生雖補止及中下等或不及等及科舉遺逸而學行為鄉里所服委知州通判監司依貢士法貢入委祭酒司業博士詢考得實當議量材錄用一乞令郡守監司保任貢士若貢士到太學試中上等

及考選升各人多即尋第三法推賞一乞諸縣置學于本
縣委令佐學盡地利及不係省雜收錢內務充費用一乞
學生自縣學考選升州學一乞州縣並置小學一乞並立
學生在學升黜法一乞外任官子弟許入學取應在外官
子弟親戚法不合在本處取應者許隨處入學即不升補
與貢在學迨及一年給公據許赴太學取應國子監解名
一乞州縣學職掌學諭學長許差特奏名人一乞禁不得
教學生非經吏子書文字詔令講議司立法頒降仍差將
作少監李誠于城南門外踏逐修置外學 十二月丁丑
詔諸邪說歧行非先聖之書并元祐學術政事不得教授
學生凡者并出詔諸路教授序官外官小者並在本州錄

事參軍之上其供給承務郎以上依然判餘依職官例
戊寅軍臣蔡京等上諸路州縣學初令格式乞鑄板頒降
從之 尚書右僕射蔡京等言臣等昨具陳乞諸路置學
奏士伏承詔旨令講議司立法施行謹以元陳請畫一并
參酌太學初令格式取其可以行于外者修立成諸路州
縣敕令格式并一時指揮凡十三冊謹繕寫上進以聞如
得乞當乞下本司鑄板頒行其看詳者乞送國子監收掌
所有今日已前應州縣學校條件已係新書收載者更不
行用詔疾速鑄板頒行 二年正月甲申詔諸路教授自
外任移者除依條通考仕許就仕陞改其教導有方貢試
如法者仍聽保明再任內廣南路應陞改者減舉主一人

辛丑詔學校長善育材無以文勝質選賢與能無以私
撓法毋愆于始而怠于終毋便己私而撓官事 三月乙
酉講議司言諸路州學生以前舉終場人數二百人以上
以一百人為額數少者以二州三州併附一州聚學今聚
學尚有不及二百人之處即於法未有定額欲將所併聚
學并舊有教授不及二百人之處聽以前舉終場三分之
二並為定額其上舍內舍及撥定人並視一百人之額得
隨數減定從之 四月戊午詔提舉司每路教授及十人
以上者歲舉改官增三人不及者一人不許舉它官有能
訓導學生中太學上舍數及八分者提舉學事官保明以
聞國子監驗實依太學博士正錄法改官 庚午詔國子

監印書賜諸州縣學 五月庚辰戶部言提舉學事司乞
州縣學之費通一路財用恩副從之 戊子詔不置教授
州軍蓋學處學生以百人為額 六月丙辰詔縣學生不
及二十人處許依州學例併附鄰近大縣一處教養 八
月丙寅講議司言縣學格內三句所試乞改為月試季一
周之五月試養仲月試論季月試策從之 三年正月己
丑詔諸路增養縣學弟子員大縣五十人中縣四十人小
縣三十人 癸丑中書省勘會天下已置學養士士在學
校月書季考行藝純脩方與入貢其選頗艱而科舉取一
日之長人樂從津求易以趨故異意與怠惰之人多憚于
入學甚失朝廷教養之意語五路學生在州學一年方許

取應除路在學半年仍通縣學日即取應人衆而學校
所養數少雖令在學半年其不在學之人尚多者仰學事
司較量相度聞奏 辛丑詔學考月書鄉舉里選之法以
其間有未便事節近已委有司別行講充慮修正法度忽
遽未易成就猶須寬假歲月精加考求期于協順人情選
拔寒鄉口俊而後已所有後來科場可更令參以科舉取
士一次使遠方舉人知悉 三月壬寅奉議郎黃輔國言
元豐中太學生休假日引詣武學射聽習明紹聖嘗著為
令乞頒其法于諸路州學從之 朝奉大夫直龍圖閣成
都府路轉運副使李孝廣遣一官以照檢邛州學生貴人
韋直方緝竹縣學生龐汝翼谷朶詆訕元豐政事故也又

直方汝翼並送廣南編管永不得入學 六月丙午詔諸
路州軍未曾置學處並置學 七月庚子詔諸路知州通
判並增入主管學事四字 八月戊午詔諸路應緣學校
奉行違慢令監司糾察中尚書省 辛酉醴州醴陵縣學
生李邛彥特送五百里外編管元考較長論屏出學荆湖
南路轉運判官兼提舉學事元書言邛彥試卷言涉謗訕
也 九月癸巳詔諸路應副修蓋學舍了畢提舉學事及
州縣官各與減磨勘年有差 壬辰詔諸州別為齋舍教
養材武之士隨人數多寡許令入學並依進士法其考選
校試升補取令武學條制看詳修定頒下 十一月丙申
祀吳天上帝于圓邱以太祖皇帝配禮畢大赦今來興建

學校廢罷科舉改考士素行以絕倖冒務得實材然慮州縣未能奉詔令人未勸向尚有遺逸致多士未盡在學或難于考選校定所取上舍內舍生不敷額數或學宇卑陋食飲疎薄未足以稱朕教養待士之意已差提舉學事官分詣天下仰疾速備行所部推原法意有不如前者按罪以聞除將來科舉一次外並由學校升貢 四月閏二月辛未詔應諸路州學據學糧餘數額外增養學生並依額內八條例施行 口月壬午詔諸州縣生徒試補入學經試終場及自外舍陞內舍者免身丁內舍仍免借陞上舍即依官戶法 九月己亥制曰朕聞先王成人有德小子有造今天下承平休養日久垂髫幼稚在所樂育仰學事

司州縣長吏多方勸諭令入小學依大學例量令支給破
興飲食其考選校試之法仰三省措置取旨無幾有造之
時 十二月乙亥尚書省言諸路學校各已就緒其所貢
人今來中選多舊曰科舉遺落老成之士鄉舉里選之効
已見于此士之在學月書率考苟有成材理當不俟歲月
使令入貢今倣周官每歲考德行道藝三年大比之意為
歲貢之制俟滿三歲則赴殿試第其高下推恩無使士益
知勉詔大司成兼侍講薛昂等看詳增損修立條約以聞
從之

送昂等看詳乃十月二十七日聖旨為歲貢之制乃尚
書省建議薛昂等看詳增損耳非昂等創為也實錄刪

修失實令改正

五年二月丁未詔去年正月指揮諸州添置武學教養武士至今踰年教養每州無幾而月有按試弓馬考核程文使教官不得率意儒學又管勾按試兵官教頭皆有添給食錢官中旋置鞍馬蓋造馬厰營葺射圃百端糜費有虛名無實効可罷去 七月庚子詔曰學校以善風俗人倫治則興亂則廢非特教養而已也乃者親詔有司以月書季考之盛退送煩勞待養有方未當士心故令考正若能縣學則士非里選廢學糧則人無所養減教授則無師併提舉則無總名存實廢甚非教育之本朕恭覽熙寧詔書以俟興建學校然後講求三代所以教育選舉之法施于

天下則無幾可復古矣復鄉舉里選布之天下以追三代之隆神考之志也而多減廢于朕繼述之孝其可得乎其縣學提舉官學田報教授並各依舊退送者更展一試特給假許不限次數以優士之在學者詩不云乎君子能長育人材則天下喜樂之矣咨爾多士宜體朕意 甲辰詔已降指揮舉行學制比閱前後法令猶未備慮夫士心或因而頽授有害學政可依下項一天下學生既今歲貢將來入貢其數必多所有辟雍並令依舊仍依舊寧四年十二月已前指揮施行一退送學生既展一年俟之不爲不久待之不爲不盡此覽科舉舊法有因敎理舉許特奏名推恩之法學生貢至辟雍三試退送未有理舉推恩之文

退送之人所以患無歸學生貢至辟難試不中退送者並
與理為到省舉送依例施行 九月乙卯學制司言臣等
檢會崇寧三年九月二十三日朝旨諸州學別為齋舍教
養武士結有條畫頒下諸路後來入學之人已多昨因今
年二月廢罷尋未曾復置臣等代覲御製學校新法內一
項逐州解額五路已有指揮十人取一名可令以前榜所
解額于數內以一分充貢武士額臣等未審今來立教養
武士法合依舊通行天下或止于三路五路施行乞降睿
旨別具合措置事件聞奏御筆山西出將氣俗使然所當
先者平治之時武不可廢可依已降指揮置武士齋仍以
所給解額取一分充貢額無則貢文士 十一月乙巳大

司成兼侍講薛昂園子監司業強淵明言竊謂文學之士
自縣升之州由州貢之辟雍又合而試之第爲上舍內舍
之等而推恩侍殿試或升之太學其法可謂脩矣而武士
之制雖有武學外置解額而選考升貢之法將見周王于
邁六師及之之盛如成周之時仰有以副陛下獎育人材
之意從之 十二月癸未學制局上諸路州縣學勅令格
式等凡三十五冊詔頒行之 大觀元年十二月壬午建
州浦口縣丞徐秉哲達一官以縣學生條籍者千餘人此
一路最多秉哲實專考校事提舉學事司乞加優獎故有
是命 二年五月庚戌提舉京西南路學事路瑗言臣所
領八州三十餘縣凡諸路最爲褊小管學舍乃至三千三

百餘人贍學田業等歲收錢斛六萬三千餘貫石稿計諸路學舍生徒田業錢斛之數何翅數百萬此曠古所未嘗有也詔有司總會諸路州軍縣文武大小學生并學費所入所用實數具圖冊上之御府副在辟廡仍宣付史館從之九月乙丑詔諸路州學有閤藏書皆以經史爲名方今崇八行以迪多士尊六經以黜百家吏何足言應口置閤處賜名曰稽古三年八月己丑詔學校法度已見完備惟在奉行可令諸路提舉學事司檢察州縣如稍有懈弛及輒妄議按劾以聞當議重責四年八月戊寅詔州小學生更不給食又詔自今取貢額三分于大比前一年解法不及學及雖入學而見係退黜者方得取應又詔所

在學生及五百人許置教授二員其不及五十人者不置
以本州在任有出身官兼頭尋改五十人作八十人詳見
大學一篇中

政和元年正月辛未詔諸路州軍學生不
及八十人處不置教授若係熙豐曾置教授雖不滿八十
人自合存留二年五月壬申臣僚上言參以科舉廢罷
縣學歲陞之法非便詔自今並依大觀三年四月以前指
揮其後降指揮更不施行見太學三年四月甲申宣義
郎黃冠言欲令天下士自鄉而升之縣學自縣學而陞之
州則通謂之選士可也其自稱則曰外舍生又其才之向
成而升之內舍則謂之俊士其自稱則曰內舍生又其才
之已成而貢之辟雖然後謂之貢士焉其自稱也亦以是

而已從之 六月丁巳詔武學州縣外舍生稱武選士內
舍生稱武俊士 庚申尚書省言學校養士以待天下賢
能可以作人材教士行興教化自縣學升之州自州升之
辟廱自辟廱升之太學然後命官則縣學為升貢之本今
天下令佐吏部注授多非其人俗吏則以學為不急不加
察治縱其犯法庸吏則廢法容姦漫不加省有罪不治以
故學生在學既闕爭訟至或殺人蓋令佐不加訓治州學
不以舉察提舉官失于提按以致如此不惟士失其行亦
官廢其職今具下項云云詔依 十一月癸卯詔補蔭入
官人隨學入所在州學仍別為齋公私試附州學生別作
號考校 十二月甲寅河北路轉運判官張孝純言固官

以六藝教士必射而後行古者諸侯貢士天子試之於射
宮乞詔諸路州郡每歲薦貢士于學因講射禮從之 四
年三月丁丑詔諸路應小學生及百人處並增差教諭一
員 六月庚午詔小學做太學立三舍法 八月辛亥詔
諸路學校及三百人以上者三分增一分百人以上者增
一分之半即陝西河北河東京東路學生數少者仰提舉
學事司具可增與不可增及所增數聞奏 九月辛卯詔
以辟雍大成殿名額之諸路州學從河南尹蔡安持奏乞
也 五年十一月庚辰詔應縣學生三經赴歲陞而不預
陞入州學者依三不赴條例除籍 宣和二年十月己巳
尚書省言勸州縣武學已罷內外願入京武學人已依

元豐法試補入學舉試入舊制係與武學外舍人類試
取一百人同上舍生發解緣科舉已罷今此倣新舊法令
尚書省于大比前二年春季檢舉降敕下兵部依元豐法
奏舉其被舉人限當年冬季到闕與免試補試入學充外
舍生依與校定人赴次年公試其考選陞補推恩並依大
觀武學法從之

皇宋通鑑長編紀事本末卷第一百二十六

皇宋通鑑長編紀事本末卷第一百二十七

徽宗皇帝

道學

大觀元年二月己未御筆批道士序位今在僧上女冠在尼上 二年三月庚申詔以金籙靈寶道場儀範四百二十六部降天下有道觀處令守令選道士依按奉行 五月辛亥御筆道門近添試經撥放年頭女冠舊止三十人可增作七十人內京畿三十人諸路四十人

蔡條史補道家者流爲政和初上有疾踰百日稍康後一夕夢有人召上方其夢中謂若昔在藩邸時如赴祈廟宣召者及至乃一宮觀爾即有道士二人爲賓相焉

遂至一壇上諭上曰汝以宿命當興吾教上再拜受命而還二儀相者復巢上而去及寤作記良悉嘗遣使示魯公魯公時猶責居于杭也始大修宮觀於禁中即舊奉大神所在玉清和陽宮玉虛殿羽人以歲時入內講齋醮事親製步虛樂章胡其音聲焉而道家遂謂上爲赤明和陽天帝然上肅祇神祇所崇者祀事而已亦未自少君樂大者

政和二年正月癸未詔釋教修設水陸及祈禳道場輒將道教神位相參者僧尼以違制論主首知而不舉與同罪著爲令 三年十二月癸丑詔天下應道教仙經不以多寡許官吏道俗士庶緣中所屬附急遞投進及所主妻監

司郡守搜訪 四年正月戊寅御筆置道階自六字先生
至額外鑒義品秋比視中大夫至將仕郎凡二十六等並
無請給人從及不許中乞恩例 三月辛卯詔諸路監司
每路通選宮觀道士十人遣發上京赴左右街道錄院講
習科教聲讚規儀候習熟遣還本處 六年二月壬申御
筆道教改隸秘書省 十月甲申詔城感殿長生大帝君
像可遷赴天章閣西位禹闕奉安

恐此時未有長生大帝君像當考王黼宣和殿降聖記
云歲在丁酉皇帝乃悟本長生大帝君丁酉蓋政和七
年也史須詳考之蔡條史補政和七年有林靈素出靈
素溫州人也少從浮屠學以無行為所在貶惡久之去

爲道士左街道錄徐知常引之以附會諸闕始曰神霄玉清王上帝之長子主南方號長生大帝君既下降于世乃以其弟主東方青華帝君領神霄之治天有九霄而神霄爲最高其治曰府故青華帝君亦曰判府天尊而靈素乃其府仙卿曰褚慧亦下降佐帝君之治又日一時大臣要人皆仙府卿吏若魯公曰左九仙伯鄭居中劉正夫等若童貫諸巨閥率有名位王黼時爲內相乃曰文華史猷章革時選爲天府乃曰仙卿伯氏時主進奉乃曰園苑寶華史又謂上寵妃劉氏曰九華王真安妃也天子心獨喜其事乃賜號通真先生初劉處二王先生皆爲上禮然有神怪事多出自方士也及室素

至乃以其事歸之於上而曰已獨佐之每自號小吏佐治故上下莫有攻其非者然靈素寔無術徒最大言是時上興道教將十年獨思未有一厭服群下者數以語近侍於是神降事起矣

七年正月乙未御筆自今應天下道士與免階墀迎接衙府宮觀科配借索驗投郡官監察司相見依古老法 癸丑秘書省奏據左右街道錄院申恭依聖古指揮將所降道教五宗再行條具立爲永式第一天尊之教以道德爲宗元始天尊爲宗師第二真人之教以清淨爲宗太上玉晨天尊爲宗師第三神仙之教以變化爲宗太上老君爲宗師第四正一之教以誠感爲宗三天法師靜應真君爲

宗師第五道家之教以性命爲宗南華真人爲宗師至於
上清通真達靈神化之道感降仙聖不繫教法之內爲高
上之道教主道君皇帝爲宗師詔依所奏左右街道錄院
印行 二月甲子詔通真先生林靈素於道錄宮宣諭青
華帝君降臨事左右街道錄傳希烈等皆作記上之

傳希烈等畧曰逮夜漏向丑香風颯至徐有赤光大如
彈丸東流空中上下往來既離復合已而電光四出雷
聲隱然環珮之音近在咫尺一空恍如白晝仰瞻繪像
俄失所在特絹素空存而已二天人蹕空乘雲冉冉而
下其一絳服玉冠大頰和豫蓋教主道君皇帝也其一
上下青衣蹕若青華帝君之狀又前藥一人貌與通元

先生張虛白無少異焉從者朱紫不可悉計迺還由西而行又曰考之仙版青華帝君寶高上神霄玉清王之弟也仰惟教主道君皇帝以神霄玉清之尊降神出明應帝王之興起雖動而不失其所謂至靜雖爲而實未嘗爲故其通真接靈澹然獨與神明居者若辛卯歲之夢北癸巳歲之示見創見希有中外已悉聞而知之至於今日坐堂奧之上而神飛玉京來仙境之真而跡旋禁御則或未之聞也

辛未御筆天下天寧萬壽觀改作神霄玉清萬壽宮如小州軍監無道觀以僧寺充卽不得將天慶觀改仍於殿上設長生大帝君青華帝君聖像 四月庚申御筆朕每澄

神默朝上帝親受宸命訂正訛俗朕乃昊天上帝元子爲
大霄帝君親中華被淨居之教盛行焚指煉臂捨身以求
正覺朕甚憫焉遂哀懇上帝願爲人主令天下歸於正道
帝允所請令弟清華帝君權朕大霄之府朕夙夜驚懼尚
慮我教所訂未周卿等表章冊朕爲教主道君皇帝只可
教門章疏用不可令天下混用 五月癸卯改玉清和陽
宮爲玉清神霄宮 七月丁亥御筆如有僧徒歸心道門
願改作披戴爲道士者許赴輔正亭陳訴立賜度牒紫衣
八月丙辰宣和殿大學士蔡攸奏莊列亢桑文子皆著
書以傳後世有唐號爲經並列藏室國朝始加莊列南華
冲虛之號以其書入國子學而亢桑子文子未聞頒行乞

取其書於秘書省精加釀定列於國子之籍與莊列並行
從之 十二月辛未御筆太上老君所著道德經世以諸
子等稱未稱尊崇之禮可改爲太上混元上德皇帝道德
真經 重和元年四月辛巳道錄院上看詳釋經六千餘
卷內詆謗道儒二教惡談毀詞分爲九卷乞取索焚棄仍
存此本永作證驗又通真達靈先生林靈素上釋經詆謗
道教議一卷乞頒降施行並從之 八月戊午朝散郎新
知兗州王純奏乞令學者治御注道德經問於其中出論
題從之 辛酉手詔史記老子傳陞於列傳之首別爲一
帙前漢古今人表叙列於上聖其舊本並行改正昨所注
道德經可視倣唐制命大臣分章句書寫刻石於神霄玉

清萬壽宮 庚午御筆道無乎不在在儒以治國在士以修身未始有異殊途同歸前聖後聖若合符節由漢以來析而異之黃老之學遂與堯舜周孔之道不同故世流於末俗不見大全道由是以隱千有餘歲矣朕作新之究其本始於黃帝老子堯舜周孔之教偕行於今日可令天下學校諸生於下項經添大小一經各隨所願分治大經黃帝內經道德經小經莊子列子自今學道之士應入學並令州縣勘會保明不經刑責不犯十惡姦盜及違八行之人許入州縣學教養並依見行學法所習經以黃帝內經道德經爲大經莊子列子爲小經外兼通儒書俾合爲一道大經周易小經孟子其在學中選人增置士名分入官

品元士高士大士上士良士居士逸士隱士志士每歲試
經撥放及有度牒合披戴者並依舊外唯須在學一年方
許披戴州縣學道之士初入學爲道徒試中升貢同稱貢
士陞貢到京入辟雍試中上舍並依貢士法三歲大比許
闕鄉就殿試當別降策問庶得有道之士以稱招延元士
以下資仕請給各隨品依品官法唯人從不差兵士役人
止於宮觀人內量差其叙位在本品之下應天下神霄玉
清萬壽宮天慶觀知及副知將來有闕並以學校登科人
充其餘宮觀亦依此志士以上令禮部置名籍差注並如
吏部法自興道教異人間至深慮山林高蹈之士尚多有
之可令監司訪之縣縣下耆保各具所管地方有無高上

之士依八行法以禮延入學並以名聞或不願入學監司
郡守親駕給券馬人船差官伴送赴闕又不願即具奏聽
旨當賜璽書招聘高上之士多隱於卒伍工隸僕廝之類
或身自犯刑責以逃世離俗令延納招聘一無所問仰並
以名聞 辛未資政殿大學士知陳州鄧洵武奏乞選擇
道藏經數十部先次鑲板頒之州郡道錄院看詳取旨施
行又乞禁士庶婦女輒入僧寺詔令吏部申明行下 九
月丙戌大學辟雍各差通內經莊子列子二人爲博士
閏九月乙亥給事中趙野奏乞諸州添置道學博士擇本
州官兼充從之 丙子尚書省言已降御筆處分道徒升
貢三歲大比許調難就殿試欲令禮部依文士給號被候

唱名初入仕並補志士道職已上取旨並賜褐服高者依
文士從之 十月壬辰資政殿學士知陳州陳洵仁奏本
州學係籍學生止有九十一人而一兩月間士之勸誘入
道學及内外舍生願換道徒者將與儒士等委是本州州
學教授當職官推行有方提舉學事置司在本州遵永詔
旨同共出力奉行州學内舍生宋瑀願換道學内舍生本
人係故翰林學士宋祁之孫已兩預貢舉行藝清修自來
留心道學舊有撰到道論十篇乃近撰神霄玉清宮萬壽
雅一篇謹具綴進呈 御筆宋瑀特與志士仍許赴將來
殿試 庚子御筆道徒止許道士及無妻人入學充道士
服本服餘服博帶幅巾其襴襜指揮勿行 癸卯上御寶

錄宮傳度玉清神霄秘錄會者八百人 十一月己酉御
筆道流入官自一命以上至視品中大夫宜正名辨禮以
爲次遷之格而文階近列有館閣之聯亦宜仿此定制以
待瑰璋高妙不次拔擢之人今以太虛大夫至金壇郎同
文臣中大夫至迪功郎爲道階以侍晨爲待制以受經同
修撰至直閣爲道職道階以年勞遷授道職如文臣隨官
帶職之制不限常格授惟其人無則闕之 十二月丙申
御筆莊周列禦寇所著書與太上真經並行方之孔門不
在孟軻揚雄下其令神霄玉清萬壽宮使司議所以褒顯
之設像並配太上祠 壬寅御筆道士簡格褐衣銀木紫
衣香木或槐木師號以上象牙 宣和元年正月乙卯手

詔應寺院屋宇田產常住一切如舊永不改革有敢議者以違御筆論其服飾其名稱其禮其言並改從中國佛號大覺金仙餘爲仙人士之號僧稱德士寺爲宮院爲觀即住持之人爲知宮觀事不廢其教不害其禮而已言念四方萬里之遙其徒之衆不悉茲意可令每路監司一員聽其事郡守縣佐召集播告咸使知之 御筆天下僧尼已改宮觀其銅鈸銅像塔等按先天紀鈸乃黃帝戰蚩尤之兵器自不合用可通行天下應僧尼寺院并士庶之家於通路已改宮觀監司處限十日送納不得隱匿毀棄類聚斤重具數奏聞 御筆僧已降詔改爲德士所有僧錄司可改作德士司左右街道錄院可改作道德院德士司錄

屬道德院奏彼通行提舉天下州府僧正司可並爲德士
司 已未改女冠爲女道尼爲女德 庚申詔已降指揮
鑄鈐佛像等限十日納官可除鈐鈐依已降指揮佛像並
存留依所鑄勅號添用冠服通行天下 辛酉御筆德士
冠並依道流見戴諸色冠樣止不飾日月星辰除有官職
者許服皂襪紫道服執牙簡餘已有紫衣人並紫道服褐
衣改銀褐道服皆未簡並稱姓氏舊有師號者仍舊在京
自三月一日依此外州軍候指揮到日限一季改易 御
筆寺院已改爲宮觀諸陵佛寺改爲明真宮臣庶墳寺改
兩字下用黃錄院自今設禮合掌和南不審並改作拳拳
稽首賜天尊服仍改塑菩薩羅漢並改道服冠簪佛封大

覺金仙文殊菩薩封安惠文靜大士普賢菩薩封安樂妙
靜大士泗州大聖封巨濟大士雙林傳大士封應化大士
初祖達摩封元一大士二祖封同慧大士三祖封善明大
士四祖封靈大士五祖封靜心大士六祖封德明大士
永覺連覺封金德大士經文合改佛稱金仙菩薩稱仙人
羅漢稱無漏金剛稱力士僧伽稱修善銅像不納並許改
塑僧已降詔爲德士所有寺院撥放試經進疏度牒並改
作披戴爲德士戊辰尚書省言改易佛菩薩羅漢等像
及經文指擇乞權且寢罷詔改易止爲今後又申明行下
守詔別聽旨壬申御筆羅漢已改爲無漏和尚猶未加
封爵可封比丘士五月丁巳御筆手詔釋氏改服易名

盡從華俗不廢其教翕然成風然習之者不知道妙未稱
一道德同風俗之意今後應德士並許入道學依道士法
其德士宮觀知副已上職掌有關非試中人不在選舉差
補之限其德童遇試經撥放並習混元道德或靈寶度人
一經無人無殊習道通爲一以副勸獎之盛 戊午御筆
禁以二月十五日真元節集衆爲金仙涅槃會 六月甲
申封莊周爲微妙元通真君列禦寇爲致虛觀妙真君
二年正月甲子御筆儒道合而爲一其道學自今廢
寶錄只書甲子罷道學本紀因之止如此書亦可道學
遽罷必有故當考纂條道家者流一篇亦不載

十月癸巳詔僧尼昨改德士女德口有未會批改度牒人

特與放罪許依近降指揮改換新式度牒 詔外路僧尼
復用鈇鉞令於在京官司收買 三年七月庚午御筆三
京置女道錄副道錄各一員鄧鎮置道正副各一員餘州
置道正一員從恭依奏請也 十月丙辰御寶錄宮神霄
宮親授王黼等元一六陽神仙秘錄及保仙秘錄仍許黼
等并表稱謝 十一月甲子御筆提舉道錄院見修道史
表不須設紀斷自天地始分以三清爲首三皇而下帝王
之得道者以世次先後列於紀志爲十二篇傳分十類又
詔自漢至五代爲道史本朝爲道典 四年三月丙子詔
諸路提舉神霄宮監司解發有道行能行天心正法及拜
章有應驗道士逐路各三兩人赴提學道錄院審察取旨

五年十一月癸亥詔國子監刊印御注冲虛至德真經
頌之學者從祭酒蔣存誠等奏請也 十年十月庚寅御
筆道官可自大夫以上并帶職人並令封至朝官許蔭贖
私罪爲官戶

神霄宮

政和七年二月辛未御筆天下天寧萬壽觀改作神霄玉
清萬壽宮如小州軍監無道觀以僧寺充即不得將天慶
觀改仍於殿上設長生大帝君青華帝君聖像 重和元
年正月甲辰御筆天下州軍置神霄宮處監司候了日分
詣檢察以聞 二月壬申手詔諸路提點刑獄廣訪使者
巡按所至賜詣神霄玉清萬壽宮瞻視親像考驗殿室觀

其廢舉察其施設各具奏聞 三月戊子朝議大夫知泗
州葉黶責授單州團練副使郴州安置坐改建神霄宮不
如法故也 六月乙卯御筆應天下神霄玉清萬壽宮並
不隸道正司令逐路提舉官管勾 壬戌御筆特州修建
神霄宮如法守貳當職官并廉訪使者各遷一官 甲戌
御筆天下神霄宮知州軍帶管勾字通判帶同管勾字
七月癸未御筆道隱於小成流於末俗人不足與明不顯
於世朕作新斯人以覺天下神霄玉清府實總萬天監臨
下土比詔四方改營宮宇以迎神貺官吏勤惰不一尚未
就緒更賴輔弼大臣同寅協力宰臣可兼神霄玉清宮使
執政官充副使判官聽旨差自改官制不置使名權時之

宜庶克有濟候道教興隆宮宇悉脩即罷太師魯國公蔡京少傅太宰鄭居中少傅少宰余深檢校太保領樞密院事童貫並兼充神霄玉清萬壽宮使知樞密院事鄧洵武門下侍郎薛昂中書侍郎白時中尚書左丞王黼宣和殿大學士蔡攸並兼充神霄玉清萬壽宮副使仍給勅判官聽旨差 甲申詔開封府尹充神霄玉清萬壽宮判官少尹充管勾 甲午御筆天下神霄玉清萬壽宮門可視至聖文宣王廟立戟以稱嚴奉 癸卯中大夫直徽猷閣知河陽王厚以改建神霄玉清萬壽宮畢工進職一等武功大夫知西安州解潛轉運刺史以措置改建神霄玉清萬壽宮推賞也 八月己卯御筆諸州軍神霄玉清萬壽宮

仰本路提舉漕臣於逐州軍并縣鎮選擇寄居宮觀年六十已下通判以上人一員申尚書省就差管勾本宮專切檢察本宮事務 九月庚寅頒御注老子石刻神霄宮

十月癸卯上御寶籙宮傳度玉清神霄宮秘籙會者八百人 宣和元年五月庚戌詔天下神霄玉清萬壽宮已賜田產房廊道業並割付本宮掌守置歷支用更不隸州縣掌管所有前後已降指揮更不施行 八月丙戌御製御書神霄玉清萬壽宮記其畧曰蓋嘗參道家之說獨觀希美之妙欽惟長生大帝君青華帝君體道之妙立乎萬世曰上統御神霄監觀萬國無疆之休雖眇躬是荷而下民之命寔神明所司乃詔天下建神霄玉清萬壽宮以嚴奉

祀自京師始以致崇極以示訓化累年于茲誠忱感格高
厚溥臨屬者三元八節按冲科啟淨供風馬雲車來顧來
享震雷交舉神光燭天群仙翼然浮空而來者或擲寶劍
或灑玉篇駭聽奪目追參化元卿士大夫侍衛之臣悉見
悉聞嘆未之有咸有紀述著之簡編嗚呼朕之所以隆振
道教帝君之所以眷命孚佑者自三皇以還數千年絕道
之後乃復見于今日可謂盛矣仍令京師神霄玉清萬壽
宮刻記於碑以碑本賜天下如大中祥符故事摹勒立石
以垂無窮 十一月辛亥蔡京奏乞以神霄玉清萬壽宮
觀玉真王所說玉嬰神變妙經刊印頒行從之 七年十
二月戊午御筆神霄宮除依元手詔撥賜地土外餘並還

原來去處道錄院道宮品等一切指揮並依元豐法

方士

崇寧二年正月己丑詔許茅山道士劉混康修建道觀仍令直奏災福無得隱匿混康有節行頗爲神宗所敬重故上禮信之

此據蔡條史補增入口混康是何許人七月二十三日賜先生號蔡條史補道家者流上嗣服之初於釋老好尚未有適莫魯公喜佛因導上以性理天下始建崇寧萬壽寺後改曰天寧又壽於端午日因內道場上焚香再拜以禮佛升其舍利四散迸出於水晶匣外上爲之贊焉方士劉混康有節行爲上所信聽人詆佛氏

三月庚子詔劉混康肅恭祀事達于上境自春以來時雨未降朕甚憂之當體至懷精加禱請所建殿宇賜名天寧萬壽 七月庚子賜茅山道士洞元通妙大師劉混康號葆真觀妙先生江東轉運判官席震爲之請也 五年七月甲寅葆真觀妙先生劉混康加號葆真觀妙沖和先生大觀元年二月丙戌鳳翔府于仙姑授清真沖妙先生初草大觀元年四月一日詔已差李瓌賁御封香往鳳翔府太平宮等處道場因就宣召于仙姑赴闕葆真供到蔡京事迹道教之興自左街道錄徐知常供元符皇后符水有驗被寵遇遂薦范致虛作正言致虛以爲紹述先帝法度非相蔡京不可後有王老志徽廟嘗夢被

召如在藩邸時見老君坐殿上儀衛如王者諭上曰汝以宿命當興吾教上受命而出夢覺記其事是年十一月冬祀老志亦從之上在太廟小次中老志曰陛下昔夢尚記之乎時臣在帝旁也黎明車輅出南薰門天神降於空中議者謂老志所爲也道教之盛則自此始又有虞仙姑者年八十餘狀貌如少艾行大洞法一日微廟誦大洞經舉首見有仙官侍立者京嘗具飯招仙姑見大貓指而問京曰識之否此章惇也意以諷京京大不樂上嘗問仙姑致太平之期答曰當用賢人上曰賢人謂誰答曰范純粹也上以語京京曰此元祐臣寮使之遂逐於是士大夫爭言虞仙姑亦入元祐黨矣

二年五月乙卯葆真觀妙冲和先生劉混康特贈大中大夫政和三年三月甲戌左街道錄觀妙元明真虛一大師徐知常特授冲虛先生辛巳詔濮州王老志賜號安泊處士九月辛卯遣兵部員外郎王童召濮州處士王老志赴闕令同本縣長吏以禮敦遣重賞薦志老者故將遣之辛酉詔封處士王老志爲洞微先生十月戊申朔御筆元觀法師程若虛封寶籙先生

寶籙宮不見起建月日或自此始程若虛事更考之

四年正月辛丑洞微先生王老志加號觀妙明真洞微先生十月辛未觀妙明真洞微先生王老志卒

老志濮之臨泉人隸京東轉運司爲書史自言嘗遇鍾

甌真人授內丹要訣棄妻子結草爲廬施病藥者喜與
人言休咎頗籍籍有聞政和三年秋詔州縣敦遣至京
師封洞微先生館蔡京賜第南園士大夫閭門數召對
禁中上手書觀妙明真之號賜之明年乞歸留之不得
卒賜金以葬贈正議大夫宣和錄云所居地必生花謂
之地錦

五年十月癸卯嵩山道人王仔昔封冲隱處士 六年二
月癸未詔訪聞棣州士人劉揀蔬食葆神虛心契道人之
隱奧洞然照知處方書符每有應驗可令敦遣赴尚書省
審驗外於上清寶籙宮安下仍給路費驛券遞馬無令失
所 三月乙卯冲隱處士王仔昔封通妙先生

詔旨五年十月七月初封冲隱處士蔡條云王仔昔者
豫章人也始學儒後自言遇許遜真君授以大洞隱書
竒落七元之法能知人禍福老志死後仔昔來都下上
知之召令踵老志事寓於魯公第時大早上焦心禱雨
每遣使持一幅素紙心求仔昔書皆禱雨也一日中使
又至出紙求書如常時仔昔忽書一小符仍札其左曰
焚湯沃而洗之中使大懼不肯受曰上有紙來禱雨今
得此大誤矣詎敢進耶仔昔怒曰第持去上得果駭異
益上默祝爲寵妃赤日者如其言一沃而愈詔封通妙
先生然仔昔神怪過老志道人腹中委曲前知事如見
又言白晝能見星故魯公寢不樂從容奏曰臣位師臣

輔政而家養力士且甚迂怪非宜上然之乃居之於上清寶籙宮仔昔建議九鼎神器不可藏於外於是詔納鼎於大內

七年二月壬戌棟州貢士劉棟奏伏蒙聖恩以臣本州并提舉司保舉四行聞奏特授將仕郎臣昨忽遇九天益算韓真人授以景靈玉陽神應鍾法仰祝聖壽若臣苟官爵即負師言伏望時垂矜察所有勅命乞賜追寢詔依所乞賜紫衣道服

詔旨六年二月十九日召赴闕六年四月二十八日鑄鐘八年三月二十六日又召赴闕蔡條云劉棟者棟州人亦儒士自云嘗遇仙人韓君者與之丹曰剝取丹服

丹輒復如故政和中以其丹上之上曰汝師賜服而奪之以慕長年非朕所用意也還焉靈素乃謂仙人韓君者乃韓君丈人也韓君丈人乃上帝之首相雖不隸於神霄而實佐帝君之治上乃命棟以官爲直龍圖閣又爲作韓君丈人觀於其鄉郡而使棟願之仍係藉於道流封先生方神降及廢釋氏棟亦預焉然棟願涉獵儒書慕李泌之爲人晚爲利所奪不能自還也凡爲神降之事者姓姓先後多不得其死

重和元年三月戊申召劉棟赴闕 四月壬戌御筆特改温州永嘉縣紫芝峯法因院爲紫芝觀賜通真達靈先生林靈素充功德觀看管墳塋 五月丁亥通真達靈先生

林靈素爲通真達靈元妙先生通元先生張虛白爲通元
冲妙先生 九月壬寅金門羽客通真達靈元妙先生視
中大夫林靈素金門羽客通元冲妙先生視中奉大夫張
虛白特授本品真官免視法 閏九月己未通真郎管勾
棣州韓君丈人觀劉棟爲守靜先生視中大夫棟不受
十一月丙辰中大夫通真達靈元妙先生林靈素爲冲和
殿侍宸 十二月己卯詔九鼎新名乃狂人妄有改革皆
無稽據宜復舊名狂人指王仔昔也

仔昔始寓蔡京第後居上清寶籙宮已而宮人有爲道
士亦居寶籙宮者以姦事疑似發因逐仔昔於城外東
太一宮因之仔昔性傲上初待以客禮故仔昔視宦闕

若奴僕又欲使羣道士皆師已及林靈素出仔昔寵遽
衰衆乃使道士孫密告仔昔不遜語下開封府獄死陪
仔昔者官官馮浩尤力此據蔡條史補及叢談增入條
謂仔昔死在政和七年按宣和元年十二月二日乃復
九鼎舊名指仔昔爲狂人則仔昔誅死當在重和元年
今因復鼎名附見其事

宣和元年十一月壬申故林靈素歸温州

楊氏編年十一月放道士林靈素歸温州靈素溫人善
妖術輔以雷公法常往來不逞於口口宿毫淮泗乞食
諸寺羣僧薄之至楚與惡少相毆擊訟至府庭通判石
冲聞之意其輕便俊捷脫之置於館問吐納燒煉飛神

之術搗至京師引謁蔡京致見上靈素因大言謂上實
長生大帝君蔡京乃左仙伯靈素乃祐慈於是上喜之
建寶錄於京城創神霄宮於天下置道學改寺院僧尼
至是京城大水上遣靈素禳之不驗靈素又嘗衝太子
節不避太子繫之訴於上上遂厭之逐去蔡條云都城
大水冒城將入靈素與諸道士爲法事巡行徇徧於城
上役夫數千爭舉槌欲擊殺之靈素走而得免上開始
不樂靈素又與宦官近幸分黨爭敵上惡之勝於神霄
之殿其繪像所曰祐慈罪惡不悛帝命削其遷秩降爲
下鬼焉因逢歸其鄉郡特差江端本通判温州而監察
馮靈素去乃以廢釋氏事歸之釋氏旋復因各使納錢

爲批度牒得再披剃幾百萬緒久之上復思靈素使道
流保明欲再召入釋氏大懼而靈素不知何故忽死矣
端本乃以靈素遺表上之曰靈素下血死矣是時上益
厭方士過怪姑霸縻而已且知其徒多妄作乃稍正於
法未久而亂云